

Elsetgogooag Inogo mögoe otetja emogo otjit tan telatotitj ag tan tell getlamitetasig getleota. Alasotmögööm gagi pilo logoaasig aptja, ngotei piligana, ag gesi oli gisatasig; mo gis tiloego oen nemitögo na alasotmögöönn nege gissog, Antle Miosögo sagmaoaag o'gisipogaoaton loigneg tesinsegipong-egge tjei nana.

Telitasiap mo pa oen otienan elsetgogo tan nin nenaga, gato mo telian-ogsep telitasia. Mset soel tami Inogoiq oetjitatgig: setnogo ag genpilg, oegöpeditg, ögomgigiag ag pigoelgag gespogoitg oetjitatgiga. Pattias (Fr. Grace) tapgonag teli pgitgatg ag lögo emtögoatg tan teli gelolg mset gögoei tan teli olasiga setaneomimega. NEN GLOOSGAP.

Elp sagmasgoa Mrs. Rice agnotem-oet tan teli elapatasis pesemgeoel ag teoaltimgeg mitjoatjiltjig pemt gtapeg-iatisenig; sgato nige soel mset tjinem-mog matjitatgig ali gtantotitj omim- atjoagnemodo.

OEGOPIEJCPTIC—pilei otgotagegatig-tog gis 8 tesitjig elisoltitjig; tan amsgoes elpa tetli otgatalos epitetjutjag Adiet Glötög tan nepgag apignatiil. 6 tes. 1908, 5 tepg. ag 3 tesagonag te-tottjegag. Sagmo Sösep Gol mögoe oeleiog meoggol agantieotil. 22 tesigel oentjijoömel otanigtag; oelaptem-egel tesigel. Toma Glöt neotetjít tan oetoemt ola tet.

GENTFWLLG—pageoimgeoel tepgen-set 15 tes. 1909—lisip pilei lno sag-maoe inegenos, Plansie Töni, tan Wolfsville etlagatg.

GAIMISÖG—loicoimgeoel tepg. 29 tes—oelöltitjig Inog ag gelolg eloogoagan elogotitjig menigea. Sgato San Patis Glöspel mögoe oeleiog nigetj taposil-itji tepgenoselitji.

LÄSTOGOTJG—lög nagamatjetjg Inöd ogisi oetjiteo pogteoitjg, tan oetjtag tjtjigoagatj sespenag. 3 tes. ola teugenoset tapositjig pitjalotjig tanig mesgilnitjel potail gegonatisen-el. Natoen elp soeseoatj getoi ilso-mot tan igatög \$50. Sgato lno sag-mao telitisit mo negem teli gis apö-gönemcagoi lno; piloci oen miamotoj goilot.

PENOPSGES—misel, tepg. 1—mögoetj lñim pigeltenog agnotemagana passeg pigelgag elneaga pegisingag ola tet tanag meoisitag mset tami oet-lagasakiag, tjei oegao oetjitatjig pap-geg onamagig ag ögatnogel me alta ag lög gelolgeg meoisimga, soel nige ga-

gi matjitatjig. Neotisgagel oigoömel, na soel mset oatjoiatigel, Loi Gapliel ag Möis Gapliel, Malian Tjö, Piel Gögo, Misel Pelnal, Silipai Polet, Mrs. Pal; sgemtrog elpatos, Noel Pelnal ag Tjan Möis, negmō tepgiseg oigoödo, ag Antle Plansis, Santi Göp, na test-jitjig tauiq oigoöötitjig; megenatjilj Pötensiä. Sgemtrog Tjan Gonkéoög oetji matjasitag ola tet elietag Pas-tong gtjiganigtog. Sgemtrog Plansoe Gogo elp oetji matjasipenag telset-emaiegep elietag moliang, ag soel etog teliag meta gis sag oesgot otllena; tōgo oetjategemg menag notemaoega. Na nogo telig tan notemaoega. Ag epgiman mögoetj geginoaoitonogol; amsgoes pögtamgiag 7 sentel lapent, elminisingel 6½ gelapis 5, 4, 3½, 3; na nogo mögoetj atji nisanogol, ap na epsotgasigel tan totjio elmi gag-aga moinogena. Na pel telig tan telagnotema. Nin A. F.

Lög tellag tan sagaoeig aglasieo-gig telenattig 'Eli me atji mesgilg netaoi tjigelötög gotjemog eoegele peteoeiei amgoantjij, mo ngotei tjinem gisi pisgoötog eoegele galipoti.' Netna elpi tan mögoe talitetemog aptjetjel gögoel ogsegaton, gisna tan gögoel nagtag gsegataganigtog, gisna mo masgoatag tan gögoel mögoetj eo-memeg pela, ola tög ma olapetemem-eg oiga llia oli ganieoilij otjinemo-mel.

Tan mesgilg eptagan oapetjel eo-atjel tan tetli logoatj nemetjoei gis-na tapataeoel, gesg tepies me atji aptjetjít.

Pipnagantjij gisna pipnagsigenotj peli angonötög ogsipatasitten, tōgo e-tjigelatög.

Tan nipl gisna oentjosogapon nag-teg epteg nottöglöögmigtog.

Tan gögoel epteg igatög mgomiög-öömtog.

Tan mitjiptjeoei oöoigtag apgagögtjtjifeoei nagteg gisi panalatjel gesg gagi igatosög piloi eptaganigtog.

Tan sismögöön ag aptjelmoitungeoel nagtegel oigatigenigtog tan teli ngas! soisgasig ag gespatögöl.

Tan patalotel atlaoegenel eli gsis-taganeoatögöl gesgemenag metjigel menatögol.

Tan tjtjnangigenei gasipotatög pa-talotigtog ag mogoe eomog meloitj atlaoegentjij gisna oigatigen.

Tan mimeiei oööl nagalatjel pan-te-liteljel.